

國

朝

詞

綜

序

汪氏晉賢叙竹垞太史詞綜謂詞長短句本于二言三言并漢之樂府其見卓矣而猶未盡也蓋詞實繼古詩而作而詩本於樂樂本乎音音有清濁高下輕重抑揚之別乃爲五音十二律以著之非句有長短無以宣其氣而達其音故孔穎達詩正義謂風雅頌有一二字爲句及至八九字爲句者所以和以人聲而無不協也三百篇後楚辭亦以長短爲聲至漢郊祀歌鐃吹曲房中歌莫不皆然蘇李詩出畫以五言而唐時優伶所歌則七言絕句其餘皆不入樂李太白張志和始爲詞以續樂

府之後不知者謂詩之變而其實詩之正也由唐而宋
多取詞入於樂府不知者謂樂之變而其實詞正所以
合樂也且夫太白之西風殘照漢家陵闕黍離行邁之
意也志和之桃花流水考槃衡門之旨也嗣是溫岐韓
偓諸人稍及閨穉然樂而不搖怨而不怒亦猶是標梅
蔓草之意至柳耆卿黃山谷輩然後多出於褻狎是豈
長短句之正哉余弱冠後與海內詞人遊始爲倚聲之
學以南宋爲宗相與上下其議論因各出所著并有以
國初以來詞集見示者計四五十年來所積旣多歸田
後恐其散佚湮沒遂取已逝者擇而鈔之爲

國朝詞綜四十八卷其蒐采編排吳門陶子梁之力爲多方今人文輩出詞學亦盛於往時我

高宗純皇帝念詩樂失傳甚久

命儒臣取三百篇譜之著以四上六五諸音列以琴瑟笙簫之器于是三百篇皆可奏之樂部則是選諸詞苟使伶人審其陰陽平仄節其太過而劑其不及安有不可入樂者詞可入樂卽與詩之入樂無異也是詞乃詩之苗裔且以補詩之窮余故表而出之以爲今之詞卽古之詩卽孔氏穎達之謂長短句而自明以來專以詞爲詩之餘或以小技目之其不知詩樂之源流亦已慎

矣至選詞大指一如竹垞太史所云故續刻于詞綜之
後而推廣汪氏之說以告世之工于詞者嘉慶七年十
月青浦王昶撰

國朝詞綜目錄

卷一

李元鼎

吳偉業

熊文舉

龔鼎孳

曹溶

陳世祥

趙進美

金鎮

李雯

梁清標

宋微璧

史可程

李霽

龔百藥

曹垂璫

季振宜

朱琬

宋徵輿

孫自式

魏學渠

魏允枚

唐夢賚

柯蓀

何采

王庭

丁彥

周茂源

吳亮中

陳增新

毛萬齡

程光祿

田茂遇

史鑑宗

張我樸

王士祿

曹爾堪

陳璜

周季琬

張淵懿

董衡

卷二

王士禎

張錫懌

丁澎

馮雲驤

劉體仁

周震藻

陸求可

嚴沆

巢震林

黃永

萬錦雯

孫暘

吳兆騫

李天馥

鄒祇謨

毛際可

林雲銘

楊大鯤

孔尚任

張僧乙

張養重

陳允衡

盧元昌

王之蕃

魏際瑞

李漁

洪昇

卷三

曹貞吉

支隆求

董俞

董元愷

徐時浚

江皋

沈鱣

葉映樞

吳興祚

宋曄

陸世楷

鄭俠如

袁子令

余懷

呂師濂

陸埜

葉大忠

毛蕃

華袞

陳舒

宋大麓

汪价

毛先舒

錢曾

張潮

錢謙

袁秣

王暉

洪雲來

王賓

陸舜

劉梁嵩

卷四

吳綺

曹寅

高士奇

丁燦

丁焯

宋泰淵

宋思玉

華胥

呂洪烈

佟國璽

佟國器

佟國璽

佟世南

王士禛

顧湄

許旭

潘高

鄒宏志

周綸

秦保寅

卷五

顧貞觀

錢芳標

何鼎

張英

陳玉璫

汪懋麟

何龍文

宮夢仁

徐乾學

王士禛

李振裕

葉燮

錢霞

曹鑑平

徐倬

王鴻緒

王燮

馬鳴鑾

汪鶴孫

卷六

性德

張翼

高層雲

胡會恩

張集

沈三曾

沈涵

葉舒崇

儲右文

毛遠公

王修玉

吳珩

趙執信

楊大鶴

沈朝初

卷七

彭孫通

倪燦

汪霏

王頊齡

秦松齡

周清原

徐嘉炎

陸棻

湯斌

尤侗

高詠

方象瑛

毛奇齡

徐鉉

吳任臣

卷八

朱彝尊

卷九

陳維崧

嚴繩孫

錢金甫

邱象隨

孫枝蔚

鄧漢儀

王昊

王嗣槐

彭桂

羅坤

卷十

李良年

李符

卷十一

汪森

汪文柏

王顯祚

曹爾坊

曹爾埏

吳之登

黃延

吳秉仁

董以寧

牛真

魯超

梁允植

梁天植

曹封祖

陳慈永

徐喈鳳

黃朱芾

黃錫朋

程康莊

朱克生

吳棠楨

錢廷枚

吳本嵩

張星耀

吳壽潛

朱輅

凌如升

王會圖

卷十二

高不騫

魏允札

陸進

鈕琇

孫鉉

余光耿

王潞

唐虞

陸次雲

萬樹

畢大生

丁介

姜培穎

葉舒璐

趙維烈

錢穀

沈豐垣

江士式

王紹

曹鑑徵

王熹儒

呂鼎

王廷璋

王樞

應振聲

徐鄴

曹濂

牛日收

諸匡鼎

卷十三

沈皞日

孔傳鐸

李璿

蔣蓉

林子成

李蕃

吳儀一

張翬

陳謨道

徐梗

俞士彪

林企佩

沈漢

沈永禪

魏學洙

沈漳

沈叔培

陳聞

仲恒

周在浚

沈聖昭

于天麒

蔣會貞

孫琮

陸楸

顧戩宜

計善

王攄

卷十四

沈岸登

沈進

沈季友

沈雄

郁植

袁揆燮

王紹雍

王武功

曹亮武

徐允哲

蔣景祁

陳維岱

陳維嶠

陳維岳

陳崇石

錢炎

楊通佺

李珍

盛楓

盛禾

盛本柟

陳見龍

張鑑

卷十五

龔翔麟

王九齡

沈爾燦

馮瑞

俞兆曾

高曜

王允持

沈崑

汪灝

黃庭

梁佩蘭

潘宗石

卷十六

孫致彌

錢肇修

狄億

姜遴

陶爾璉

姚士陞

張堦

陳璋

焦袁熹

高式青

韓獻

姜宸英

魏坤

查嗣璫

范允鉞

張德純

楊守知

卷十七

陳聶恒

姜 珪

卓天寅

賀 宿

江尚質

鄭熙績

葉 藩

史惟圖

陳履端

朱昆田

葉尋源

徐履忱

岳 驥

顧 彩

鄭景會

范 纘

周禹吉

姚景崇

湯豹處

鮑夔生

李錢琇

李伍漢

金 張

柴際溶

曹 霖

顧仲清

沈 渭

李長苞

孔傳誌

雷維馨

金長興

金 標

周珂 周霽 丁灝 卓允基

卷十八

屠文漪 屠宸楨 徐瑤 方炳

沈永令 柯炳 周稚廉 周稚炳

張欽明 王宗蔚 潘容隆 陳仲永

潘雲赤 孫序皇 柴震 倪濂

徐昌薇 吳貫勉 章士麒 高宗元

徐懷仁 楊之順 俞美英 施鑒

黃千人 錢璜 錢來修

卷十九

許用

查慎行

張大受

戴錡

毛成肅

沙張白

林之松

顧景文

鄭培

金惟駿

葉之溶

華宗鈺

沈時棟

程庭

陳粵

吳思

邵崑

秦道然

卷二十

杜詔

程夢星

王敬銘

張梁

顧陳埏

查爲仁

陸綸

徐逢吉

樓儼

卷二十一

厲鶚

卷二十二

黃之雋

柯煜

金志章

楊恒

納蘭常安

許昂霄

張宗樞

張載華

張玉輪

徐漢倬

顧衡文

華文裕

姚世鈞

張含章

沈灝

沈中震

季元春

吳雯炯

邢汝仁

陳沆

徐振

蔡瓏

卷二十三

陸培

沈廷樞

王賓

何夢璣

林令旭

錢鼎

金焜

張爽樞

劉錫勇

沈修齡

查學

吳景果

梁文濂

毛之玉

卷二十四

王時翔

王懋

卷二十五

毛健

王輅

王嵩

陳枋

卷二十六

王策

徐庾

卷二十七

吳焯

符曾

孫岵瞻

陸大復

陳濟

金肇鑾

董家驥

黃知彰

張陳典

鄭燮

劉綸

齊召南

萬光泰

馬曰琯

馬曰璐

陳榮杰

卷二十八

陳章

汪沆

陳皋

陸天錫

倪承茂

沈德潛

蔣麟昌

王太岳

蔣元益

章愷

鄭廷陽

李果

韓騏

陸文蔚

陸文啟

朱珩

方元鹿

張棟

卷二十九

江炳炎

江昱

卷三十

張四科

張世進

趙虹

閔華

樓錡

吳廷采

卷三十一

江昉

沈大成

卷三十二

史承謙

任曾貽

儲國鈞

史承豫

卷三十三

張雲錦

朱雲翔

繆謨

周本

陸烜

夏敘典

夏宗沂

夏葛

卷三十四

朱方霽

姚培炎

張晃

徐柱臣

汪棟

廖景文

張裕攀

汪仲鈞

卷三十五

吳煥

周天度

董元度

謝墉

周大樞

汪士通

王鳴盛

王天爵

卷三十六

王又曾

凌應曾

查禮

董均

顧詒祿

張玉穀

黃庭

唐司衡

張洪謨

張夢喈

沈超

卷三十七

過春山

朱昂

江立

江聲

卷三十八

汪棣

蔣士銓

彭光斗

畢沅

吳泰來

王文治

曹仁虎

儲祕書

汪爲善

陸錫熊

卷三十九

趙文哲

沈開勳

朱漢倬

朱澤生

朱莅恭

蔣業鼎

卷四十

鄭灃

嚴長明

徐薌坡

韋謙恒

施朝幹

卷四十一

吳省欽

張熙純

胡奕勳

金兆燕

汪孟錫

陸王任

陳嵇

曹自鑒

汪啓淑

陶元藻

邵玘

邵炎

諸廷槐

王方恒

朱景輔

卷四十二

林蕃鍾

沈起鳳

汪煥

張塤

程晉芳

孔繼涵

施燾

蔣元龍

高文照

吳蘭庭

汪如藻

卷四十三

魏之璠

朱維熊

程名世

王曙

余夢易

熊鈺

汪照

楊源

林克鈺

吳展成

唐宏

章河

王陳梁

張璉

卷四十四

黃景仁

黃易

王復

李旦華

李德華

汪如洋

錢塘

吳蔚光

錢棨

余鵬飛

余晏

陳逢堯

卷四十五

沈清瑞

王開沃

金德輿

王陸禔

王啓曾

姚念曾

吳志遠

顧列星

曾煜

殷璫

金式珪

陳澤泰

吳鈞

吳友松

錢青選

徐應階

沈信

余鵬翀

倪象占

金翀

王文潞

王莊壽

卷四十六

冒 褒

朱 謙

王臣蓋

劉霖恒

歐陽德榕

吳啓思

敖 熾

李際時

汪 煥

朱慶長

許孫荃

何五雲

傅世堯

張 恂

孫爾思

馬自雋

毛士儀

董儒龍

任映垣

萬秋期

陸鴻圖

郭徵和

蔣韶年

西泠酒民

蒿亭居士

宏 倫

原 詰

高 雲

濟 日

繡 鐵

雲門僧

西湖老僧

余一淳

上 鑒

卷四十七

徐燦

朱中楣

吳文柔

顧貞立

柳是

虞兆淑

趙氏

賀潔

馮嫺

侯承恩

吳芳

鍾筠

廖繡琴

葛宜

章有湘

吳森札

張學雅

喻撚

沈關關

沈友琴

沈御月

卷四十八

葉弘

顧瑤華

閔懷英

郁大山

潘端

倪小

陸鳳池

毛茂清

項珮

邵斯貞

馮挹芳

徐元端

許心榛

金莊

顧之瓊

曹鑑冰

錢鳳綸

沈珮

許宜娛

袁寒篁

陳敬

葉慧光

程荻娥

徐玉暎

許玉晨

胡慎儀

張玉珍

沈纓

沈湘雲

戴陵濤

蓉湖女子

舒霞

方是仙

何月兒

國朝詞綜卷一

青浦王昶纂

李元鼎二首

吳偉業八首

熊文舉一首

龔鼎孳三首

曹溶四首

陳世祥一首

趙進美四首

金鎮一首

李雯四首

梁清標五首

宋徵璧一首

史可程一首

李蔚一首

龔百藥一首

曹垂璨二首

李振宜一首

宋琬 五首

宋徵輿 二首

孫自式 一首

魏學渠 一首

魏允枚 一首

唐夢賚 一首

柯聶 一首

何采 一首

王庭 一首

丁彥 一首

周茂源 一首

吳亮中 一首

陳增新 一首

毛萬齡 一首

程光祿 一首

田茂遇 二首

史鑑宗 一首

張我樸 一首

王士祿 一首

曹爾堪 四首

陳璜 一首

周季琬 二首

張淵懿 六首

董衡 一首

李元鼎

字梅公吉水人天啟二年進士 國朝官至兵部侍郎有文江明和集二卷

鄧孝威云文江詞清真澹雅無富壽之累又得遠山夫人伉儷倡和詞林佳話也

醜奴兒令

和雨後聽琴

疏疎紅翠簷前滴葉上珠圓牆外聲喧愛聽新涼起亂蟬
逃名疑在青山麓消受涼天一曲遊仙撥碎西風
指上絃

減字木蘭花

和遠山

雨朝晴暮艷似芙蓉花上露墨瀋難收一派秋聲紙上
幽情他傳語應識霜砧往來處曲徑蕭蕭不定松花
墜地飄

吳偉業

字駿公號梅村太倉人崇禎四年進士
國朝官國子監祭酒有梅村詞二卷

四庫全書提要云吳偉業詩餘二卷韻協宮
商威均頑絕允足接跡屯田嗣音淮海王士
禎詩稱白髮填詞吳祭酒亦非虛美尤展
成云先生以詩名海內其所譜通天臺及臨
春閣秣陵春諸曲尤膾炙人口詞在季孟之
間雖不多作要皆不華風雅之致王阮亭
云東萊祭酒長短句能驅使南北史爲是體
中獨創且流麗穩貼不徒直逼幼安

如夢令

鎮日鶯愁燕懶徧地落紅誰管睡起燕沉香小飲碧螺

春筵簾捲簾捲一任柳絲風軟

生查子

香煖合歡襦花落雙文枕嬌鳥出房櫳人在梧桐井
小院賭紅牙輪却蒲桃錦學寫貝多經自屑泥金粉

浣溪沙

斷頰微紅眼半醒背人驀地下堦行摘花高處賭身輕
細撥薰爐香繚繞嫩塗吟紙墨欹傾慣猜閒事爲聰
明

西江月

詠別

烏鵲橋頭夜話櫻桃花下春愁廉纖細雨綠楊舟畫閣

玉人垂手 紅袖盈盈粉淚青山翦翦明眸今宵好夢
倩誰收一枕別時殘酒

金人捧露盤 觀演秣陵春

記當年曾供奉舊霓裳嘆茂陵遺事淒涼酒旗戲鼓買
花簪帽一春狂綠楊池館逢高會身在他鄉 喜新詞
初填就無限恨斷人腸爲知音仔細思量偷聲減字畫
堂高燭弄絲簧夜深風月催檀板傾曲周郎

滿江紅 蒜山懷古

沽酒南徐聽夜雨江聲千尺記當年阿童東下佛狸深
入白面書生成底用蕭郎裙屐偏輕敵笑風流北府好

譚兵參軍客 人事改寒雲白
舊壘廢神鴉集儘沙沉
浪洗斷戈殘戟落日樓船鳴鐵鎖
西風吹盡王侯宅任
黃蘆苦竹打荒潮漁樵笛

南鄉子

新浴

皓腕約金環艷質生香浸玉盤
曲曲屏山燈近遠偷看
一樹梨花露未乾 扶起意珊珊
生怕微風漾翠紈背
立梧桐還避影更闌
月轉迴廊半臂寒

木蘭花慢

中秋詠月

冰輪誰碾就千尺起嘯臺東記白傅堤邊庾公樓上幾
度曾逢今宵廣寒高處問嫦娥環珮在何峯天上銀河

珠斗人間玉露金風
聽江皋鶴唳橫空人影立梧桐
有宮錦袍緋綸巾頭白鐵笛仙翁欲乘月明飛去過巖
城下界打霜鐘醉卧三山絕頂倒看萬箇長松

熊文舉

字公遠南昌人崇禎四年進
國朝官至兵部侍郎

南鄉子

秋色集飄檣一帶傷心路渺茫記得郵亭曾繫馬斜陽
人在紅樓倦晚妝往事隔星霜門巷悄悄砌草荒崔
護重來應不改妻涼燕子呢喃話短長

龔鼎孳

字孝昇號芝麓合肥人崇禎七年進士國
朝官至刑部尚書謚端毅有三十二芙蓉詞

卷一

尤展成云先生詞如花間美人自覺妖媚當
與宋子京紅杏枝頭晏同叔桃花扇底並艷
千古王阮亭云龔尚書驀山溪詞重來門
巷盡日飛紅雨不知其何以佳但覺神馳心
醉

點絳脣

詠草和林和靖韻

簾外河橋綠圍裙帶無人主繡鞦行處踏碎梨花雨

目送春山南浦烟光暮牽春去柔腸無數蘇小門前路

東風第一枝

春夜同秋嶽作

鳳琯排烟鶯笙沸月歲華初到街鼓柳絲約定歡期花
信催開恨處今宵酒醺又勾引蝶翻蜂聚近小窗紅雨
生生吹做一簾芳霧飛艷縷紫絨偷度挑錦字玉麟

舊侶遠山千疊銷魂畫屏一聯繡句東風力軟便逗起
春愁無數趁踏青好賦閒情莫遣少年空去

薄倖

秋嶽將以病去湖上畱飲寓齋命製一詞卽用其韻

碧簾風綰度早燕花橋月棧喜賽酒歌樓人在共試錦
燈春眼倚曉欄銷瘦腰圍晴湖十里空絲管恨鳳珮星
遙瓊筍屏隔不耐啼鶯冷暖看麝粉經行處調馬路
綺羅飄散待青迴雙鬢香添半臂片帆吹送吳趨緩聚
稀歡短勸烟篷彩纜多情莫負金樽滿江頭鼓川惱亂
秦臺楚館

曹

洛

字滌躬嘉興人崇禎十年進士國朝官至戶部侍郎有靜惕堂詞一卷

朱竹垞云余壯日從先生南游嶺表西北至雲中酒闌燈灺往往以小令慢詞更迭唱和有井水處輒爲銀箏檀板所歌念僮僕雖小道當其爲之必崇爾雅斥淫哇極其能事則亦足以宣昭六義鼓吹元音往者明三百禱詞學失傳先生搜輯遺集余曾表而出之數十年來浙西填詞者家白石而戶玉田春容大雅風氣之變寔由於此

滿江紅

錢唐觀潮

浪湧蓬萊高飛撼宋家宮闕誰盪激靈胥一怒惹冠衝
髮點點征帆都卸了海門急鼓聲初發似萬羣風馬驟
銀鞍爭超越江妃笑堆成雪鮫人舞圓如月正危樓
湍轉晚來愁絕城上吳山遮不住亂濤穿到巖灘歇是
英雄未死報讐心秋時節

一萼紅 憶辛卯歲湖上五日事

愛柔花向朱闌借得春影最玲瓏粟玉纖環泥金雙帶
嬌小渾不勝風櫻桃試萸蒲碧醞知有意分我醉顏紅
粉汗涼生繡巾香感人在樓中身本三生杜牧賦鴛
鴦遺恨綠葉茸茸錦艣星移彫輪雨散聽徹清晝疎鐘
縱畱取同心舊約對湖光空畫兩眉峯況是黃梅天氣
冷到熏籠

蝶戀花 杏花

深巷賣花將客喚候過清明記取韶光半玉勒城南芳
草岸少年情味天難管斜倚一枝嬌盼遠沾酒他家

細雨空零亂淚濕粉澣紅尙淺有人樓上和春倦

鳳凰臺上憶吹簫

題朱十靜志居琴瑟後

燒燭鴻天惜花雞塞馬卿偏好傷春正翠鉤盈袖弱絮
隨輪無限柔腸宛轉秋雨夜夢想朱唇抽銀管湘簾乍
卷寶鴨橫陳眞眞者番瘦也酒醒後新詞只索休頻
待繡帆高挂遲日江濱齊列瑤箏檀板搗妙妓徐步香
塵歸難驟寒宵坐來一對愁人

陳世祥

字散木通州人崇禎十二年舉人
國朝官知縣有含影詞一卷

阮郎歸

宿花蝴蝶惹花飛紗牕閒畫眉女兒生小在香閣開箱

憐舞衣 添線倦卷簾遲闌干讓柳垂隣家相約踏春
是日長緩緩歸

趙進美

字韞退益都人崇禎十三年進士國朝官至福建按察使

望江南

風乍急簾額動雙犀細雨擁衾紅浪皺濃香銷枕翠痕
低無語聽潮雞

菩薩蠻

閨情

獸香不斷紅茵煖繡筐綵線香中展銀尺隔窗聲鶯啼
小院晴 吳紈輕似雪玉手還同潔何處最宜時沉吟
落剪遲

山花子 曉粧

銀燭初銷寶鴨濃
起來珠袂褪酥胸
細數枕痕殘夢遠
剩輕紅 雙啟螭奩
交翠羽半欹蟬鬢
卸金蟲戶掩蝦
鬚寒未減杏花風

醉落魄 望月

木犀小院碧雲夜
靜孤輪滿亂紅送影
湘裙展六曲屏
山翠幙深深捲
麴塵襪薄苔痕軟
畫樓咫尺清光遠
水沉香盡歸仍嬾
繡被人寒不共金鳬煖

金

鎮

字又鑑山陰人崇禎十五年

舉人國朝官江寧按察使

臨江仙

寄汪蛟門舍人

碧玉闌干花影重
峭風移過簾旌綠
遮庭院少人行
樓春遠纖指按秦箏
手把道書慵自起
暗來小閣斜憑
畫圓心事忒分明
蒼苔紅藥仙夢記曾經

李 雯

字舒章江南華亭人崇禎十五年舉人國朝官中書舍人有蓼齋詞一卷

菩薩蠻

薔薇未洗胭脂雨
東風不合催人去
心事兩朦朧
玉簫春夢中
斜陽芳草隔滿目
傷心碧不語
問青山青山響杜鵑

謁金門

紅葉

楓葉無染出江空
天暮隔岸胭脂新
雨墮小樓腸斷處

疊疊亂紅秋露又被西風吹去翠袖拾來看幾度欲
題無一語

鵲踏枝 落葉

慘碧愁黃無氣力做盡秋聲砌滿闌干側疑是紗窗風
雨入斜陽又送棲鴉急 不比落花多愛惜南北東西
自有人知得昨夜小樓寒四壁半堆金井霜華白

鳳凰臺上憶吹簫

漏咽銅龍風銷蠟燭醒來猶倚香篝對雙鸞臨鏡妝罷
還羞滿目青山畫裏縈別緒生怕凝眸難消受一庭芳
草嬾上簾鉤 悠悠春風度也這千萬垂楊不繫扁舟

自吹簫人去烟鎖雲稠應念別時清淚登臨處回首江
流東風緊落花飛絮遍寫離愁

梁清標

字玉立真定人崇禎十六年進士國朝官至保和殿大學士有棠村詞二卷

陸蓋思云棠村極穠艷而無綺羅薜蘿之態所謂生香真色人難學也

望江南

銀燈翦雜坐漏偏遲欲寫烏絲嗔燕子將輸楸局倩鴉
兒薌澤乍聞時

玉樓春

花飛南陌東風暮腸斷王孫芳草路綠槐影裏雨初晴
黃鳥聲中春暗去亂山疊疊看無數故國遙遙雲外

樹一年佳景等閒拋好夢欲尋無覓處

輓轡金井

暖雲如粉草芊緜畫閣曉粧時節鸞鏡初開記春衫香
裏拋殘線帖向柳外聽鶯尋蝶淺水溪橋笑招女伴桃
根桃葉沙堤踏青步履儘風吹鈿朶裙衩波浥鬥草
平蕪逞芙蓉雙頰花鈴暗掣蚤驚見綠楊飛雪報道春
歸海棠落盡杜鵑啼歇

柳梢青

小雨纔收平沙細草綠滿西疇柳眼青歸桃腮紅暈人
倚高樓家家繡幕簾鉤春不管斜陽旅愁羅綺風前

鞦韆影裏馬上牆頭

蘇幙遮

寒食

杏花烟榆莢雨綠映平橋又見春如許油壁車輕寒食
路細草芳樽邀取春光駐轉鶯樓歸雁浦柳外梨邊
愁煞長亭暮天意也知離別苦片片輕雲遮斷人行處

宋徵璧

初名存楠字尙木江南華亭人崇禎十六年進士國朝官潮州府知府

醉花陰

豆蔻梢頭花半吐關畔微微雨一炷水沈香六曲銀屏
人在深深處綠紗窗外春鶯語密約防鸚鵡莫道不
消魂翠幙珠樓休放相思去

史可程

字蘧菴大興人明大學士史忠正公可法之弟崇禎十六年進士國朝官翰林侍講

河傳

豆莢

日上柳絲晴漾綠暗齊腰筠籠采采度溪橋青搖豆初
嬌春情冶似清明候穿花走湖暈相思逗蠶娘態比
豆花慙春衫嬌拖燕尾尖

李

蔚

字景商高陽人順治三年進士官至保和殿大學士謚文勤

三字令

愁倚戶夕陽斜憶天涯春去也在誰家燕營巢蜂釀蜜
總堪嗟人不到見歸鴉掩窗紗開復落刺桐花酒漂
零香冷淡負年華

龔百藥

字介眉武進人
順治三年進士

桃源憶故人
春愁

紅桃雨散東風起
濯濯楊枝如水天
別放春何地只在
鶯花裏
花朝撲蝶誰家會
點點飛花輕墜自
有舊愁
牽繫不爲新憔悴

曹垂璨

字天祺上海人
順治四年進士官遂安縣知縣

憶秦娥

蟋蟀

聲淒切輕寒庭院終宵咽
終宵咽銀床清露碧紗涼月
井梧葉落征鴻滅無端憶著當年別
當年別個人今夜愁腸千結

夢揚州 聽雨

晚烟初正孤燈影暈疑眸間理銀箏簾幙蕭瑟如秋小
窗外簷鈴斷續繡幃空掩金鈎天涯遠人何處無端數
徧更籌 游興春來盡休但困柳欺花流水含愁點點
蕉聲心事都上眉頭黯淡芳草連天碧梁燕棲霧鎖重
樓春去也香消鵲尾夢斷揚州

季振宜

字滄葦泰興人順治四年進士官至監察御史

南鄉子

曉霧如烟輕寒細雨困人天紅杏枝頭鶯對語飛去昨
夜玉人春夢處

宋

琬

字玉叔號荔裳萊陽人順治四年進士

董蒼水云玉叔慢詞多商羽之音如秋飈拂
林哀泉動壑小令則如新箏乍調離驚初轉
尖佻新艷

浣溪沙

乍暖猶寒二月天玉樓長傍博山眠沉香火冷少人添

殘雪纔消春鳥哢畫闌干外草芊綿幾時青得到郎

邊

憶秦娥

朱闌畔莫愁嬌小曾相見曾相見翠娥羞飲半遮團扇

畫梁依舊巢雙燕藏雅幾度垂楊換垂楊換桃花臨

水那時人面

攤破浣溪沙 西溪訪陸處士作

三月楊梅正作花
板橋欹側俯晴沙
閒覓柴門無路徑
柳陰遮
燕子匆忙營故壘
蜂兒辛苦坐官衙
問著山翁都不識
野人家

蝶戀花 旅月懷人

月去疎簾纔數尺
烏鵲驚飛一片傷心白
萬里故人關塞隔
南樓誰弄梅花笛
蟋蟀燈前欺病客
清影徘徊欲睡何由得
牆角芭蕉風瑟瑟
生憎遮掩牕兒黑

一翦梅 思家作

飄泊東南劇可憐朝上菱船暮上魚船愁中看遍好山
川鶯脰湖邊罨畫溪邊因循何日賦歸田說道今年

又早明年故園消息思茫然春燕來前秋雁來前

宋徵輿

字載文江南華亭人順治四年進士官至副都御史有海問香詞一卷

小重山

春流半繞鳳凰臺十年花月夜泛金杯玉簫嗚咽畫船
閒清風起移棹上秦淮客夢五更迴清砧迎塞雁渡
江來景陽金井斷蒼苔無人處秋雨落宮槐

踏莎行

錦屋銷香翠屏生霧妝成漫倚紗窗住一雙青雀到空

庭梅花自落無人處 回首天涯歸期又誤羅衣不耐

東風舞垂楊枝上月華生可憐獨上銀床去

孫自式

字衣月武進人順治四年進士官檢討

西江月

身世飄飄落葉生涯泛泛孤舟客心未冷已成秋况是

淒涼重九

何處砧聲邨曲誰家笛響樓頭十千沽酒

欲消愁不奈愁多於酒

魏學渠

字子存嘉善人順治五年舉人官刑部主事有青城詞三卷

柳梢青

旅思

水落平沙飛來塞雁聲到窗紗蛩語斜陽鴉翻墜葉秋

在蘆花 村烟一抹殘霞指帘影溪邊酒家白露催寒
青衫淚濕况聽琵琶

魏允枚

字卜臣嘉善人順治五年舉人官西安縣教諭

蘇幕遮

同香巖曉發平原

隴頭雲坡上雪風掃枯楊滿地堆黃葉共對孤燈宵漏
咽一枕寒雞叫斷荒村月 旅魂消鄉思折夢杳家山
塞草連天濶野燒前村光未滅緩控金羈滿路霜華滑

唐夢賚

字濟武淄川人順治六年進士官檢討有志整堂詞一卷

浣溪沙

愚谷山頭放畫桡誰家茆屋出林臯一溪流水繞紅橋

啣尾草邊翻蝶夢將雛花外挂鶯巢東風鎮日綠楊梢

柯

聳

字素培嘉善人順治六年進士官通政司左參議

離亭燕

燕

趁得東風飛絮來認杏梁深處畱下舊巢渾不改且喜
主人相許新補野芹香並立綺窗相語秋信甫經殘
暑又是淒風疎雨王謝家空餘草舍休聽旗亭金縷回
念故鄉遙斜日捲簾歸去

何

采

字滌源上元人順治六年進士官侍讀有南澗詞一卷

湯潛菴云省齋小詞數闕蕭涼高逸能與稼軒放翁馳騁上下

滿江紅

九日雨中飲許頴長亭子

採菊東籬應喚作淵明佳節絕勝似燈船簫鼓星橋花
月一盞老春歌白苧滿庭小雨翻黃葉儘今朝仔細看
茱萸明年說知誰健愁須撥用我法情偏愜况霜螯
盈把露蟬低咽舊識漸稀詩酒伴新衙重補漁樵闕更
休教落帽晚風前羞華髮

王庭

字言遠嘉興人順治六年進士官
至山西布政使有秋間二一卷

暗香

漢口夜泊

半城落日噪亂雅鶯起垂天雲黑小艇泊來不住江南
住江北黃鶴樓荒何在只十里烟波凝碧聽不到醉酒

仙人樓上夜吹笛 行客眠未得欲寄與暗懷難附飛
翼停歌月出鸚鵡洲橫動寒色歷歷晴川草樹輕浪捲
一江風恣待曉發難唱也滿帆霜白

丁彦

字文博嘉善人順治六年進士官
工部都水司主事督理江南蘆政

浣溪沙

梅花

目盡蒼寒引翠尊一行江樹繞山邨輕花著處暈無痕
全付春心愁白雪半籠淡月到黃昏碎風零雨暗消

魂

周茂源

字宿來江南華亭人順治六年進士
官處州府知府有鶴靜堂集十四卷

浣溪沙

懷宋尚木湖州

燕寢凝香賦倍工
鳳山樓外海雲紅
吟鞭搖斷夕陽中
渡口桃榔沉夜雨
花邊翡翠怯春風
知君鄉夢到江東

東

吳亮中

字止仲嘉善人順治六年進士官戶部郎中

唐多令

芳草綠芊芊微雲散遠天
掠青莎孤鶴翩翩野岸
餘醺開又掩蘋葉小正如錢
攜酒到花前花殘聽杜鵑醉
忘醒醒又忘年雙板橋南
修竹裏曾記得挽魚船

陳增新

字子更嘉善人順治七年舉人官安仁縣知縣

風中柳

春恨

紫燕來時怎奈一春風雨恨東君無緣作主夢迴孤枕
驚地縈愁緒別殘燈倚闌無語薄倖征人終歲羈畱
何處問歸期金錢莫據腰肢消損把年華空度倩子規
早催歸去

毛萬齡

字大千蕭山人順治七年拔貢
生官仁和縣教諭有綵衣堂集

瀟湘神

叢嶂迷黃陵朝暮鵲啼神女不知何處去行雲渺渺
數峯西

程光祿

字奕先錢唐人
順治八年舉人

鳳凰臺上憶吹簫

有意拈鍼無心添線何時細語憑肩正蝶雙牆裏燕偶
簾前好把春心攬亂渾無緒總爲情牽難畱住梨妝褪
雪桃靨飛烟無緣箇人去也應繡著芙蓉藕斷絲連
任門塵蛛網階積苔錢池畔微波吹皺春殘處柳岸莎
田風來處桐花亂落敲響琴弦

田茂遇

字樺公青浦人順治八年舉人有綠水詞清平詞各一卷

南鄉子

細草平沙行春緩緩七香車翠羽雙雙花外起花裏倒
影紅樓斜照水

又

花濕鶯脣小風壓麥浪鱗鱗西去青青官柳路扁朱戶
一任啼紅催日暮

史鑑宗

字遠公金壇人順治八年舉人官教諭有青堂詞一卷

摸魚子

清明悼徐郎

正愁人梨花絲雨釀來春恨如醉玉鈎何處消魂曲長
笛一聲吹碎鐙下淚都化作落紅點點風前墜這番憔悴
向斜日荒原一坏猶在杜宇數聲裏當年會楊柳
曉風情味烟江縹緲無際玉笙指冷春寒夜此意只君
應記君去矣空剩得歌珠一串梁塵內招魂無計看燕
燕鶯鶯朝朝暮暮夢繞亂山翠

張我樸

字伯還嘉善人順治九年進士官大理寺左評事

望江南

行春遍舞蝶試香衣竹徑綠深雲欲聚花間紅濕雨初肥何處踏春歸

王士祿

字子底號西樵山東新城人順治九年進士官吏部考工司員外郎有炊問詞二卷四庫全書提要云王士祿炊問詞一百七十三首其中如漁歌子之逐鷺徵見下遠洲生查子之堦憐好月癡點絳脣之雨翳空庭卜算子之暗燭影疑冰皆未免失之瑣瑣爲過于求奇之病非詞家本色也

浣溪沙

金井風微響轆轤桐陰漏日曉妝初薄寒猶怯玉照膚

簾幙絮紫雙紫燕盆池花觀小紅魚晝長耽閣繡工

夫

曹爾堪

字子顧嘉善人順治九年進士官侍讀學士有南溪詞二卷

尤展成云近日詞家愛寫閨語易流狎昵蹈揚湖海動涉叫囂二者交病顧菴工于寓意發爲雅音品格當在周秦姜史之間

點絳脣

沙暖蒲香鳳池漲綠晴波皺搓黃蠻柳三月春方透

小徑閒吟碧蘚生鴛鴦消晴晝雨絲拖逗贏得梨花瘦

采桑子

晚風吹破流蘇暖花滿香奩蝶滿湘簾拾起殘紅玉笋

尖
未梳蟬髻如雲壓膏沐微沾宮粉輕沾十樣新眉
懶去添

清平樂

閨詞

眉痕頻皺不似東風舊欺盡孤眠寒更透生得腰肢原
瘦
梨花靜掩長門尋常過幾黃昏魂向當初銷盡如
何又說銷魂

醉花陰

烘桃熨柳春方縱紅雨花梢重風日近清明幾片榆錢
都算鶯兒俸
冷烟堆徑和誰共苔補閒階空杜宇莫
頻啼不喚人歸只喚三更夢

陳

璜

字元卿臨海人順治九年進士官壽張縣知縣

鷓鴣天

舟行

客夢初回聽水聲香銷燈燼隔重城一湖月影波光白
兩岸蛩吟草色青秋欲老睡難成薄寒誰與問卿卿
碧霞僊子知相待重與吹笙醉玉京

周季琬

字禹卿宜興人順治九年進士官至監察御史有夢墨軒詞一卷

雨中花

海棠

欄外濕紅嬌欲滴多因睡足渾無力看徑草青齊池紋
綠皺猶有輕寒逼最妬朝霞分艷色任暮雨絲絲如
織歸燕啄餘香畱連枝上去歲曾相識

蝶戀花

影落中庭花欲午。蝶瘦蜂忙，翻出新愁譜。獨倚雕欄人不語。晴絲無力隨風舞。睡起枕紋猶半露。香玉紅生，似把啼痕補。還笑鵲聲無底據。春歸畢竟歸何處。

張淵懿

字硯銘青浦人順治十一年舉人有月聽軒詩餘一卷

周米持云月聽詞錢去尖刻以溫潤爲體深得樂府之遺

南歌子

簌冷香魂去。花輕月影添。夜闌寒色滿重簷。剛是小鬟低語下珠簾。

搗練子

香乍燼漏將殘
踈影重重入畫闌
清夜夢回花氣冷
小樓月滿雁聲寒

浣溪沙

閨怨

春事飄零付晚風
小樓長伴一燈紅
藏鉤無對只猜空
愁緒不隨烟縷斷
悶懷還似月陰重
羅衣辜負雨心同

小重山

春閨

日染花枝露欲收
輕攏殘鬢影不梳
頭曉風催燕出紅樓
歌翠羽閒語待簾鉤
無計送離愁
闌干空遍倚幾時
休烟波搖蕩渡前舟
楊柳外春浪拍天浮

臨江仙

風捲亂雅衝霧去，綺窗人對香篝。篆烟微裊畫屏幽。半簾垂曉日，雙笑隔朱樓。惆悵不堪還極目，惜花翻爲花愁。木蘭船下水空流。暗催青鬢老，腸斷白蘋秋。

漁家傲

東昌道上

野草淒淒經雨碧，遠山一抹晴雲積。午睡覺來愁似織。孤帆直，游絲繞夢飛無力。古渡人家烟水隔，鄉心繚亂垂楊陌。鴻雁自南人自北。風蕭瑟，荻花滿地秋江白。

董

衡

字治十一年舉人
吳江人順

風中柳

綠水輕飈吹透黃金千縷怯微寒依依南浦殘烟羃歷
玉笛和鶯語傍粧樓纖腰低舞長是消魂情盡橋邊
人去繫蘭舟暗添紅雨三眠乍起見栖鴉無數慣飄搖
露堤霜渚

國朝詞綜卷一